

Mattup ere ki sirwe Piyer yi riije

En urzi k'ono don kun t'oone adda mattup ettiyo

Ette mattup ere ki sirwe Piyer wede zina k'Isa yi riije. Yoŋ yi riije a kane don i ziipe addaŋ a Isa uune mattupadi ere ki poone. (2 Piyer 3.1)

Piyer yi rootiyo don ongon an t'iide a diine kane don i ziipe addaŋ a Isa, an an di gizite ono don ti doolo a ki t'iide a Rabila Majjaanawa ere y'an gizite gettiyo ye. Kane don geŋ an d'isiyo aa addaŋ i dehu wo an an di ruute, Isa geŋ yi ki kimo ye baa. Piyer yi rootiyo sey, lekkiyo ki wede yi ziipe addi a Isa gette, i dehu Raa ulbi i-d'ise unse. Munda wede derec me, kane ono don Isa yi duuye don izire ti yode aame yoŋ a siido botto. Injino a dooyiso gettiyo, kine don i ziipe addiŋ a Isa in d'ozire eego.

Toose ki Piyer

¹ Mattup ette i raaniya nuŋ Simo Piyer, wede naabo wo wede zina k'Isa Almasi, a kane don i ziipe addaŋ a Isa aa kaye kay, t'urzi naabo ere ki diine ki Raaziŋ Isa Almasi Wede k'Uttiyadiŋ y'ize gettiyo. ² Geŋ beeko ti toose i koona eggun daa dooziyo, t'urzi suuniyo ere kun'ni zuune Raa ti Galmeegin Isa geŋ me.

Sooru ki wede i ziipe addi a Isa

³ T'urzi toogo Raa, Galmeega y'in d'elo suldi pay don beehiye a kine kono in di lekke kettiyo ti Raa. Injino Raa y'in di y' gize Isa wede y'inni wiike t'urzi goolikadi wo t'urzi toogadi ere i naabiya. ⁴ Gen injino y'in d'ele suldi don a di jiiire baadan wo zooyayan oone, don ti poone yi ruute y'in t'ela genno, kono aame suldi gen kun uuna man, kun aana kun t'alda ti suldi don ulpi tudde ti dehu, an d'an t'ettiyo don duniya k'ume daggiya, wo son kun di lekke kettiyo kan soo ti Raa. ⁵ Wo kono injino ton, kune kun ziipe addugun a Isa gen, kun ti ketto toonugun zakidi kun d'oziro ki diine. Wo kun izira ki diine man, kun t'isa don i suune Raa ki kotto. ⁶ Wo Raa gen kun yi zuuna man, tuddugun kun i-d'aana. Wo tuddugun kun i iina man, kun soodo zakidi. Wo kun ziiida zakidi man, kun lekko kettiyo ti Raa. ⁷ Ki dangu, kun likka kettiyo ti Raa man, kun di geyyo tuddugun aakede zemba. Wo kun giyya tuddugun aakede zemba man, duwo pay kun di'n geyyo. ⁸ Aame suldi gen kun uuna baadan adda k'addugun wo kun izira eego man, kane gen an un ti'n isa don tasse ye, wo de don ettiyo ki daana a urzi suuniyo Galmeegin Isa Almasi. ⁹ Wo aame suldi gen wede yi ki'n uune adda k'addi ye man, yon gen yi ki wolleiyo dokki ye aa wede koosiyo, gen i dunde a oldikadi ere ti kaaga Raa yi y'ize kamilen gen me.

¹⁰ Kono kamo zemba ki nun, kun ketto toonugun zakidi sey a ceere kono kun di seeda zakidi a waaku ere Raa y'unni wiike, wo a beeriyo ere yi biire kune donzi. Derec, suldi gen kun a ziiida zakidi man, umbo kun ki t'ooraa adda

k'oldfiko ye. ¹¹ T'urzi geŋ Raa y'un d'ooley urzi waŋ wede kun t'ettey a moziko ere ki daayum ki Galmeegiŋ Isa Almasi Wede k'Uttiyadiŋ.

¹² Geŋ iŋkino ni dehu suldi geŋ n'un ti'n doole doole sey me, aame suldi geŋ kun'ni zuuna baa, wo kun lekkiyo kettiyo zakidi a d'erec ere kun uune gettiyo maŋ. ¹³ Wo aame nuŋ ede botto ni lekkiyo geŋ, ni suune d'erec suldi geŋ n'un ti'n doole doole beehiye, kono kun di lekke zeere. ¹⁴ Nuŋ ni suune bini toŋ ni t'inda, aa Galmeegiŋ Isa Almasi y'o ruute*. ¹⁵ Nuŋ ni dehu n'aase t'urzi mummino toŋ maŋ, kono aame n'inda toŋ kun d'aana daayum kun d'elka a suldi geŋ me.

Gooliko k'Almasi

¹⁶ Kun ollo, aame kaye ay un gizite ti poone Galmeegiŋ Isa Almasi y'iido ti toogadi geŋ, ono doŋ ay ruutite geŋ ay k'iide taaya ere iido ti elkiso duwo ye, kaye ay yi wulle t'edayey toore mozikadi me. ¹⁷ Ki kotto, Meega Raa y'a y'ize yoŋ wede suma wo yi-d'ele gooliko. Wo Raa adda daryikadi ere meeda gette, golladi Isa y'a t'illiga, t'ede: «Eŋ ulo nuuno ni y' giyye baadaŋ, ulbó uŋse ti yode me†.» ¹⁸ Wo golla gette t'iido ti kandaane, kaye batum ay di-t'illiga aame kaye ti yode ekki mokololo ere kamileŋ gette.

¹⁹ Iŋkino kaye ay boohiyo sey adda k'addey ono doŋ nebiyagi an ruutite me. A kune beehiye kun ziipa kuudugun a onamaŋ geŋno maŋ, kono kane aakede toore i-tooriyo adda k'ume zimolo

* **1:14** 1.14 Kun wollo adda mattup ki Zaŋ 21.18-19. † **1:17** 1.17 Kun wollo adda mattup ki Matiye 17.1-5; Markus 9.2-7 wo Lik 9.28-35.

bini ompilso k'ume, wo toore k'Isa yi-tooriyo a biza k'ulbugun aa moole biza soohe yi koliyo yi-tooriyo. ²⁰ Munda wede ki poone a jiiire min: Ono don nebiyagi an riine ti kaaga adda mattup ki Raa gen, wede tudde yi k'aane yi ki suune itadan ye yode ti siidi me. ²¹ Derec, ono don nebiyagi an ruutite gen, soo ton umbo i k'iido ye t'urzi k'elkiso duwo me, wo gen an i njiya Unde Kamileñ kono an di ruutite ono don iido ti Raa me.

2

Don eliyo dooyiso ere oldo

¹ Ti kaaga gen i d'ede don ede t'adda diine don k'Izirayel kane an ti t'ize tuddan aa nebiyagi, wo gen inkino ti diine kune ton i d'adfa don an t'ela dooyiso ere oldo. Kane gen dooyisadan an ti kalsa kan ombide ti ono don derec ye ki daggiya duwo, wo urzi Galmeega wede an di'n udde gen an d'oola. Inkino man kane gen kesiko an t'ona kulkuwo Raa a eedan ki daggiyadan.

² Wo a lekkiyadan ere ki boliyo gette don baadan an di'n daana, wo t'urzi kane duwo an di kildita urzi wede derec ki Raa. ³ Kane don eliyo dooyiso ere oldo gen an un t'in dagga t'urzi lohito k'ono a bizañ, kono an t'ona munda beygun. Kane gen ti kaagine too booradan Raa y'an ti-dikke, wo daggiyadan t'aasa kesiko.

⁴ Derec, kun suune kane maaleekiyagi don i t'ize oldiko ton, Raa yi ki'n illi ye, wo y'a ti'n zidde y'a ti'n gittite, yi ti'n ibi adda k'oldo goole sohuru wo zimolo, yi di'n boohiyo an di lekke bini onniyo booro. ⁵ Wo duwo don ti kaaga ulpi

tonj Raa yi ki'n iili ye, kane y'an iide pay ti ahu baadan a t'iimi siidfo, wenda soo tonj i k'utte ye. Wo a utte Nowe siidí, wede i gizite urzi wede ki diine, ti donj sarat a itadí*. ⁶ Sañ manj geegiryagi Sodom ti Gomor geñ kane ulpi, Raa y'a dífke booro eedan, y'an igge t'uwwu ti donjan pay a t'ize oddagi, kono a kiza urzi a donj isa oldíko ki daana an di wolla. ⁷ Aame geñ Lot yonj wede ki diine Raa y'a y'utte, kono yonj i y'uunne a lekkiyo ere ki boliyo ki donj siidfo an isiyo daa sukuyagi gette†. ⁸ Derec, yo wede ki diine geñ yi lekkiyo a diinayan, yi wolleyo wo y'ollige naabo ere pay an isiyo onnu didfo gette. Injino lekkiyadan tod'te sukuyagi i ti lattiya biza k'ulbí wede ki diine genno. ⁹ Injino manj Galmeega geñ yonj yi suune urzi mummino y'a t'adfa donj i lekkiyo kettiyo ti yode t'adda suldi donj oone an aaniya me, wo yonj yi suune urzi mummino donj k'oldíko y'anni boohe bini yi ti'n t'ela dangay a onniyo ere Raa yi dekka booro me. ¹⁰ Wo yonj yi t'ela dangay ki poone kane donj i daaniya urzi pitinjo tuddan ti dehu gettiyo, wo an aa ti diipida a ono Raa geñ me.

Kane donj eliyo dooyiso ere oldo gette a wenda an k'orgiso ye, eedan zakidi. Ottilso soo tonj an k'ede ye a maaleekiyagi donj toogo ti kandaane geñ me, an di'n kaldita. ¹¹ Wo kane maaleekiyagi donj an ede toogo baadan a jiiere geñ, kane donj eliyo dooyiso ere oldo tonj an ki'n kaldita ye aame dekkiyo booro a daana

* **2:5** 2.5 Taaya ki Nowe gette k'a ti t'oone adda mattup ki Zenez 6-8. † **2:7** 2.7 Taaya ki Lot gette k'a ti t'oone adda mattup ki Zenez 19.1-29.

Galmeega me. ¹² Wo kane geŋ eedaŋ aa seydfi balda daa k'elkisadaŋ, kane geŋ a lekkiyadaŋ an ti'n sedfu, an ti'n tôwwo. Geŋ an kaldita a munda an ki y' suune ye. An di-t'inda aa seydfi balda. ¹³ Inkiŋo maŋ a oldfiko ere pay an ize gette, Raa y'an ti dooza. A onnu ton maŋ an isiyo unswadaŋ a urzi naabo ere oldo tuddaŋ ti dehu. Aame an aa konso a ombagun ton, lekkiyadaŋ gette oldo a d'uwu sukuyagi baadaŋ, ulbaŋ an isiyo unse ki lohito k'ono danjal. ¹⁴ Edayaŋ fiilbil ki moonite t'erayi k'eebaŋ. Kane an k'ormiyo ye k'isiyo k'oldfiko me, doŋ tasse an ti'n daggiya, wo an d'okkiso a suldi pay. Inkiŋo maŋ duudfiyo Raa a eedaŋ. ¹⁵ Kane geŋ urzi wede d'erec an d'iili, an digge, an di diine urzi wede ki Baalam ulo Bozor pây. Yode wede y'a giyye sonko ere an i eliyu y'aase ulsu, ¹⁶ wo yo nebi Baalam geŋ a oldfiko y'ize gette, Raa y'a y'iipide t'urzi bize buuru. Inkiŋo maŋ onniyo gette t'a ruute aa i rootiyo wedusu, inkiŋo t'a y'ihira kono y'a ki isa ye baa naabo daa k'elkiso gette‡.

¹⁷ Kane doŋ eliyu dooyiso ere oldo gette, aa osso ahutu i t'iibe, aa dondari maaye wede baadaŋ yi-ti'n teepiyo, mizzi yi-ki koppiyo ye. Kane geŋ umayaŋ Raa y'an ti t'ikkima adda k'ume zimolo dil. ¹⁸ Kane geŋ ti bizaŋ i d'adfiya ono doŋ baadaŋ ki koliyo tudde wo ki bita. An d'isiyo naabo sukuyagi ere a jiire ki tuddaŋ ti dehu, kono an di mabilde kane doŋ i t'udfo ti oone ti diine doŋ i lekkiyo a urzi daggiya. ¹⁹ Kane geŋ an an di rootiyo a d'uwu an t'isa

‡ **2:16** 2.16 Taaya ki Baalam gette k'a ti t'oone adda mattup ki Nombire 22.4-35.

ɗon eedaŋ toore, kaciŋ kane batum miŋ bułagi ki naabo ere an isiyo daayum ki lattiya gettiyo, kono wede tuuku toŋ yoŋ bule ki munda wede i-iide. ²⁰ Inkiŋo maŋ i d'ede ɗon oŋgo an t'udde t'adda suldi ɗon ganigi ki duniya t'urzi suuniyo ere ki Galmeegiŋ Wede k'Uttiyadiŋ Isa Almasi, wo aame saŋ an iila tuddaŋ an ti gima k'adda suldi ɗon ulpi an i-iide geŋŋo sey maŋ, kane geŋ lekkiyadaŋ ere k'ita ette oldo a jiire ere ki poone. ²¹ A kane inkiŋo geŋ beehiye urzi wede ki diine an gi di y' suune ye toŋ bee, miŋ an di y' suune wo saŋ an d'ooli ono ɗon kamileŋ ɗon Raa y'an ruute an illiga geŋ me. ²² Geŋ an d'iina a-t'iide a munda wede ono ombide an ruute me, an'de: «Gede yi-ti kama ombo palɗitadi», wo soŋ «Kinziŋ kun ti y' zuuye toŋ, yi-ti kama k'adda niŋɗito sey.»

3

Kama k'Isa ki duniya

¹ Zemba ki nuŋ kune ɗon ki geyyiso, kun ollo mattup n'un raaniya ette, ere ki sirwe. Ise a mattup ere ki poone, wo a ere ki sirwe toŋ maŋ, ni dehu kune egguŋ a lekke ohine a elkiso ere ki diine t'urzi k'ono pay ɗon n'un ruutite geŋŋo. ² Ni dehu kun aa d'elke a ono ɗon nebiyagi ɗon kamileŋ an ruutite ti kaaga, wo ti urziyagi k'oogoro ɗon ki Galmeega Wede k'Uttiyadiŋ kun illiga t'urzi kaye ɗon zina k'Isa. ³ Wo munda wede kun di suune ki poone eŋŋo, a onniytagi ɗon ettiyo k'ita i d'adɗa duwo an di lekka lekkiyo ere aa tuddaŋ ti dehu. An un di'n t'okka

maade, ⁴ wo an t'eesa: «Eeyu Isa Almasi yi ruute san y'a-kimo, de ankenj too me yi d'aaniya me? Maawinj tonj an dinge baa, wo kane suldi pay minj an lekkiyo a umayanj t'ume Raa y'a t'ikkima duniya too.» ⁵ A elkiyadanj gette kane an dunde ti kaaga Raa y'ikkima siido kane ti kandaane t'urzi k'ono bizí me. Siido ti ahu y'a ti'n diikida, wo siido yi t'ikkima t'adda k'ahu. ⁶ Wo genj injkino t'urzi k'ahu donj baadanj a t'iimi siido, donj adda duniya ti suldzan pay ti kaaga an t'uute. ⁷ Wo ki kandaane kane ti siido donj ankenno enj, t'ono donj ki bizí genno Raa yi'ni boohiyo k'uwwu t'an uuta. Kane genj yi'ni boohiyo k'onniyo ere Raa y'a deka booro wo k'onniyo daggiya donj k'oldiko.

⁸ Wo zemba ki nunj kune donj ki geyyiso, i-d'ede munda soo i dehu un ki dande ye: Galmeega a elkisadi onniyo soo gette aa ozzine dupu, wo ozzine dupu genj aa onniyo soo. ⁹ Donj ongo an elkiyo Galmeega yi t'ossiyo a munda wede yi ruute y'aasa genj me. Wo injkino ye, yo y'ombine baadanj kono kune, yi ki dehu wenda soo tonj a ki dagge ye. Ki too manj yo yi dehu duwo pay an di-kime lekkiyadanj.

¹⁰ Injkinon manj onniyo kama Galmeega t'aana aa wede k'oogire, wenda soo tonj yi ki suuna ye. A onniyo gette kandaane a nokkida ti tarkuuse baadanj wede k'a orgide, suldi donj pay a kandaane uwwu t'an ogga a t'isa umbo, wo siido ti suldi donj pay adda genj a t'isa umbo pay. ¹¹ Derec, suldi pay genj an t'engila injkino, genj kun suuno koduwo mummino kun di lekke me! I dehu kun di lekke donj kamilenj, wo a kize

kune kettiyo ti Raa. ¹² Koore kun delliyo aaniya k'onniyo ere Raa y'a dekkā booro geṇ me, kun di-kette toonugūṇ zakidī kono onniyo gette t'a aane kesiko. Onniyo gette onniyo ere kandaane uwwō t'a y'ogga a t'isa umbo, wo suldī dōṇ pay a kandaane geṇ a t'ombila ti wehinko k'uwwō gettiyo. ¹³ Wo Raa yi ruute yi d'isa kandaane aware wo siido toṇ aware*, aame geṇ dūwo an d'isa munda wede ki diine aa Raa yi dehu, wo geṇṇo kine in delliyo munda wede yi ruute y'aasa me.

¹⁴ Kono kamo zembā ki nuṇ kune dōṇ ki geyyiso, koore kun delliyo aaniya k'onniyo gettiyo geṇ, kun ketto toonugūṇ zakidī, kono y'un di'n t'oona dōṇ kamileṇ, kun lekkiyo ti toose, wo dūwo an k'ambu sundugūṇ k'ulsuko ye. ¹⁵ Wo kun elko kodūwo ombiṇe Galmeegiṇ gette, t'un d'ele urzi kun t'oone uttiyo. Injino kay leemadiṇ Pool wede in giyye geṇ, a suldī geṇṇo toṇ y'un ti'n riṇe ti suuniyo k'ono ere Raa yi ele. ¹⁶ Geṇ munda wede yi riṇe adda mattupiyagi pay injino, aame y'essiyo raaniya a urzi suldī geṇṇo maṇ, i d'ede omagi oṅgo oṅe ki suuniyadāṇ me. Injino maṇ kane dōṇ i ki suune munda ye, wo an di baakiysa a suldī Raa, ono an ti'n kama t'urzi doolo aa an d'isiyo a omagi oṅgo adda mattupiyagi ki Raa ti doolo. An isiyo injino geṇ an daggiya tuddaṇ batum.

¹⁷ Injino maṇ zembā ki nuṇ kune dōṇ ki geyyiso, aṅkeṇ n'un ti ruute ki poone suldī geṇ an d'aana. Kun koona mentikagi, kono kane dōṇ

* **3:13** 3.13 Kun wollo adda mattup ki Ezayi 65.17; 66.22.

i k'amɓu ono Raa ye geɗ an un ki ti'n dagga ye, wo kun gi di t'assa lekkiyagun ere zakidi gettiyo ye. ¹⁸ Wo de kun'do ki daana daayum a urzi beeko ti suuniyo ere ki Galmeegin Wede k'Uttiyadin Isa Almasi. Geɗ tamma t'a koone a yode ti anki wo ki daayum! Eyye.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

523c1c0a-f8ac-5d2f-aebe-7063b0de6b23